



Siténbru di 2024

Karu Ménbrus di Turma di 2026 (ki sa ta entra Désimu Pruméru Anu) y Pais/Tutor di turma di 2026:

Alunus di désimu anu des anu é pruméru turma di finalistas ki ten di kunpri normas di aprovason atualizadu pa rikizitu di Ditirminason di Konpiténsias (CD) di MCAS na Língua y Literatura Inglês (ELA), matemática y siéncias di ensinu sikundáriu. N ta spera ma kel karta li ta djuda na skalrese rikizitu di graduason pa turma di bu fidju.

Na reunion estraordináriu di Konsehu di Ensину Báziku di 15 di Agostu di 2022, Konsehu vota pa atualizason di rikizitu di CD a partir di turma di 2026. Kel novu norma ta stabelese nótas mínimu di aprovason na ELA, matemática y siéncias di ensinu sikundáriu pa konklui ensinu sikundáriu. Alunus di turma di 2026 a 2030 debe kunpri kes siginti rikizitus li pa es ser ilijível pa un diploma di ensinu sikundáriu (paralén di kunpri tudu kes rikizitu lokal pa tirmina skóla):

- ten un nóta na skala di 486 ô más na testi ô na testi di rikursu di ELA ku di matemática; **ô**
- ten un nóta skalonadu di 470–485 na testi ô na testi di rikursu di ELA ku di matemática, y kunpri kes rikizitu di un Planu di Profisiénsia Idukasional (EPP) na kes matéria-la (www.doe.mass.edu/assessment/epp). Kada EPP ta inklui un rivizon di pontus fórti y pontus fraku di bu fidju, kes disiplinas ki es ten ki studa y konpléta na 11^o ku 12^o anu, y un diskrison di avaliasons ki skóla ta ba faze pa ditirmina si bu fidju sta na kaminhu pa profisiénsia; **y**
- ten un nóta igual ô más ki 470 na testi di ensinu sikundáriu na biolojia ô na testi di introduson a fízika.

Si bu fidju inda ka kunpri kes rikizitu di graduason di MCAS na un ô na más disiplinas, es pode volta a faze testi (monti bês, si nisisáriu) pa kunpri kel rikizitu. Pruméru oportunidadadi di faze testi di rikursu na kada disiplina é markadu di siginti foma:

- ELA: 6–7 di Nuvénbru di 2024
- Matemática: 12–13 di Nuvénbru di 2024
- Siéncias: 4–5 di Fevréru di 2025

Pa alunus ki inda ka kunpri kes rikizitu di ELA, matemática ô siéncias, Prusésu di Rikursus di Dizenpenhu di MCAS ta da otu manera pa alunus mostra ma es ten kunhisimentu y abilidadis nisisáriu pa atinji ô ultrapasa padron di CD di Stadu. Más informason,

inkluindu rikizitus di ilijibilidadi, sta dispunível na www.doe.mass.edu/mcasappeals, ô bu pode kontakta direktor di skóla sikundáriu ô gabineti di orientason.

Nóta di MCAS di bu kriansa pode tanbê fazê-l konsigi un kréditu di propinas pa un fakuldadi ô universidadi públiku di Massachusetts. Alunus ki kualifika pa Bolsa di Studu John y Abigail Adams (www.doe.mass.edu/scholarships/adams) ta ser notifikadu otomatikamenti duranti ses último anu. Alunus ki kualifika pa Sertifikadu di Maestria di Stanley C. Koplík (www.doe.mass.edu/scholarships/mastery) debe kandidata duranti ses último anu.

Pa alunus ki ka kunpri rikizitus di MCAS pa tirmina skóla, ten más otu oportunidadadi dispunível di grasa pa djudâ-s pripara pa futuru, inkluindu prugramas di liseu, prugramas di fakuldadi kumunitáriu y prugramas di trabadju y aprendizaji. Más informason sobri kes perkursu y otus opson pode atxadu na <https://www.doe.mass.edu/ccte/pathways/hqccp/default.html>.

Si bu tene purguntas sobri rizultadus di testi di MCAS di bu kriansa, pur favor kontakta konselheru di orientason di bu kriansa. Si es ka konsigi risponde bus purgunta, pur favor kontakta-nu pa mcas@mass.gov or 781-338-3625.

Atensiozamenti,

Russell D. Johnston
Kumisáriu Substitutu di Ensinu Báziku y Sikundáriu

Cape Verdean